

সমকাল

১১ দফা দাবি

কেন্দ্রীয় শহীদ মিনারে শিক্ষকদের আজ মহাসমাবেশ

১২ ঘণ্টা আগে

সমকাল প্রতিবেদক

জাতীয়করণসহ ১১ দফা দাবিতে সারাদেশে বেসরকারি শিক্ষা প্রতিষ্ঠানে ধর্মঘট চালিয়ে যাওয়ার পাশাপাশি আজ বুধবার রাজধানীর কেন্দ্রীয় শহীদ মিনারে মহাসমাবেশ করবেন শিক্ষকরা। 'শিক্ষক-কর্মচারী সংগ্রাম কমিটি'র ব্যানারে সকাল ৯টা থেকে এ মহাসমাবেশ শুরু হবে। গতকাল মঙ্গলবার সংগ্রাম কমিটির সমন্বয়কারী অধ্যক্ষ আসাদুল হক সমকালকে এ কথা জানান।

জাতীয়করণের আন্দোলন পরিচালনার জন্য গত জানুয়ারিতে দেশের ৯টি শিক্ষক-কর্মচারী সংগঠনের জাতীয় নেতাদের সমন্বয়ে ২৭ সদস্যের 'শিক্ষক-কর্মচারী সংগ্রাম কমিটি' গঠিত হয়। সংগঠনটির ১১ দফা দাবির মধ্যে রয়েছে- শিক্ষাব্যবস্থা জাতীয়করণ, শিক্ষা প্রতিষ্ঠানের শিক্ষক-কর্মচারীদের মতো ৫ শতাংশ বার্ষিক প্রবৃদ্ধি, পূর্ণাঙ্গ উৎসব ভাতা, বাংলা নববর্ষ ভাতা, বাড়ি ভাড়া, চিকিৎসা ভাতা প্রদান প্রভৃতি।

শাহবাগ থানার ওসি আবুল হাসান বলেন, মহাসমাবেশের জন্য বিশ্ববিদ্যালয় কর্তৃপক্ষ ও পুলিশের অনুমতি নেওয়া হয়নি। তাই আয়োজক শিক্ষক নেতা আসাদুলসহ ১৫-২০ জনকে থানায় ডাকা হয়েছে। তাদের কাউকে গ্রেফতার করা হয়নি।

© সমকাল 2005 - 2017

সম্পাদক : গোলাম সারওয়ার । প্রকাশক : এ কে আজাদ

১৩৬ তেজগাঁও শিল্প এলাকা, ঢাকা - ১২০৮ । ফোন : ৮৮৭০১৭৯-৮৫, ৮৮৭০১৯৫, ফ্যাক্স : ৮৮৭০১৯১, ৮৮৭৭০১৯৬, বিজ্ঞাপন : ৮৮৭০১৯০ । ইমেইল: info@samakal.com